

# Bulteno de la Londona Esperanto-Klubo

[londonaesperantoklubo.com](http://londonaesperantoklubo.com)

Januaro - Februaro 2026

## Kluba programo

### Januaro

2. **Klubo fermitaj** pro novjaro.
9. **Nova jaro: Teatraĵo kaj bazono.** Ĉeesta kunveno en Highbury.
16. **IJK 2026 en Tiana, Katalunio,** Hayden Hendricks.
23. **Graz, la urbo de la 111-a UK,** Ewald Schick (AU).
30. **Idiom Neutral, reformita Volapŭko,** Martin Ptasinski (DE).



### Februaro

6. **Língua Geral: la "Esperanto" de kolonia Brazilo,** Eckhard Bick.
13. **Ĉinaj Ideogramoj: Historio kaj nunto,** HU Shenghao. Ĉeesta kunveno en Highbury.
20. **Aleksei Salomatov kaj Ella Strug.**
27. **Helmut Schmidt, iama kanceliero de Germanio,** Ralf Glomp (DE).



## Nova jaro jam ĉeestas

Ni komencos la jaron ... kiel ni finis la lastan! Nia unua ĉeesta kunveno estos por festi novjaron, kaj estos plua okazo por spekti la teatraĵon de la LEKaj aktoroj. La aktoroj havas intencon ludi ankaŭ ĉe la Brita Kongreso, kaj petas denove havi eblon provludi la provludon al ni.

Ni kombinos tion kun niaj aliaj tradicioj - ĉirkaŭ la teatraĵo ni iom kune manĝos, kaj interŝanĝos esperantajn aĵojn. Bonvolu kunporti aferojn por manĝi, kaj se vi havas esperantajn aferojn kiujn vi ŝatus vendi aŭ interŝanĝi, bonvolu kunporti ankaŭ ilin. Ni ne aranĝos ĝin formale, sed se vi havas malnovajn librojn, revuojn, aŭ ion ajn, jen okazo por refreŝigi vian kolekton.

Ankaŭ devas komenci ni pensi pri kluba admin'o. Je fino de marto okazos nia jarkunveno, por revidi la agojn de la lasta jaro, kaj elekti oficistojn por la sekva. Ni provu esti pli organizemaj ol en antaŭaj jaroj, do mi petas ke ĉiu kiu volas kandidatiĝi faru tion en januaro aŭ februaro. Tiel ni povos meti la listojn de kandidatoj en la sekvan bultenon, eventuale kun iom da informo pri la intenco de ĉiu.

Por memori, jen listo de oficoj: Prezidanto, vic-prezidanto/j, sekretario, registristo, kontisto, komitatanoj. Eventuale komitatanoj havas apartajn taskojn, ekzemple: prizorgi la programon. Ni voĉdonos pri ĉiu ofico, kaj ĉiu klubano havas rajton kaj voĉdoni kaj kandidatiĝi.

Vi verŝajne jam scias ke la klubo estas tute neformala. Mi volas kuraĝigi al ĉiuj, ke vi ja povas partopreni se vi volas, oni ne bezonas apartajn lertecojn.


Se vi volas inspiron pri kion fari esperante ĉijare, ĉi tiu bulteno povas doni al vi iujn ideojn. Vi povos ĉijare paroli al eksteruloj pri Esperanto - ĉiam tio estas ebla, kaj ĉiam estas utila al niaj celoj! - mi skribis iometon pri kiel mi povis fari tion iomete lastjare. Aŭ se kongreso estas al vi pli alloga, la bulteno enhavos ion pri kvar kiuj okazos en Britio kaj Eŭropo dum la jaro.

Mi esperas ke 2026 estos bona jaro por ni, kaj por nia klubo. Ni ankoraŭ havas bezonon de esti pli aktivaj, kaj allogi pli da anoj. Ni provu denove!

Ĝis baldaŭ, Phil Housley



Esperanto is a neutral, international language, and a global community. Turn to the back page to get started.



La monto Illimani staras super la urbo La-Pazo. Foto de *kandela\_paz* en Flickr.

## Novjaraj tradicioj en Bolivio

*Amiko en La-Pazo verkas por ni pri tradicioj kaj kutimoj en tiu lando.*

En Bolivio, post dudek jaroj de unu sistemo de registaro, ni havas novan prezidanton de alia politika flanko, kun novaj ideoj. Tio estas, por iuj, fonto de espero ke eble niaj landaj problemoj povos malaperi. Daŭras politikaj bataloj, sed nova jaro estas taŭga momento por repensi pri kion ni volas, kune kaj unuope.

Fakte, kiam jaro finiĝas, ŝajnas ke oni pensas ke problemoj magie malaperos kaj ke la nova komenco estos ekde nulo; foje mi sentas tion sed mi ne pensas tiel.

La ideo ĉe ni estas komenci feliĉe la jaron por esti feliĉa la tutan jaron. Ĉu oni vere kredas tion? Bedaŭrinde, laŭ mia sperto, ne; eĉ junuloj ne kredas ke feliĉo estas vere ebla. Sed oni havas esperon. Oni serĉas ritojn por doni sencon al la nova komenco. Sed, ĉu io vere nova komenciĝas, kaj se jes, kio finiĝas? Aŭ, ĉu la novjaro estas nur numero, laŭ kiu ni planas agojn kaj kiu memorigas al ni ke ni aĝiĝas?

La stratoj, la novaĵoj en televido, kaj multaj retejoj estas plenaj de konsiloj,

tradicioj kaj ritoj por adiaŭi la malnovan jaron kaj ricevi la novan. Kelkaj ideoj estas internaciaj, kelkaj ŝajnas esti pli propraj al ni.

Ĉi tie oni diras ke manĝi dek du vinberojn alportas bonan fortunon. Oni petu dezirojn dum oni manĝas po unu vinbero por ĉiu venonta monato. La gusto de ĉiu vinbero povas sugesti ion pri la boneco de tiu monato, kaj pri ĉu onia deziro estos plenumata tiam.

Se oni volas vojaĝi la sekvontan jaron, oni pretigu valizon kaj kuru kun ĝi ĉirkaŭ la kvartalo aŭ la domo. Se tiu rito ne tuj funkcias, oni povas atendi ĝis la festo de *Alasitas*. En tiu festivalo oni aĉetu etan pasporton por signifi ke oni volas ke la dio *Ekeko* helpu ke oni vojaĝu.

Por indiki al universo ke oni volas ricevi diversajn aliajn aferojn, oni surmetu kalsonon de taŭga koloro. Antaŭe, oni aĉetis novan ruĝan kalsonon por inviti amon. La vendistoj aldonis pli da koloroj, tiel ke nun flava kalsono alvokas monon, verda venigos sanon kaj Junecon, blanka povas doni pacon kaj esperon, kaj aliaj koloroj aperas.

Oni eble ankaŭ volos komenci la jaron sub tablo. Oni diras ke ĉi tio reprezentas trovi sekuran lokon por komenci, sed iam oni devas eliri...

Rimarku ke oni faru ĉion je la 00:00. Oni eĉ ŝanĝu la kalsonon je tiu momento, dum oni elvenas de sub la tablo, manĝante vinberojn, kaj ankaŭ trinkante ĉampanon, nature.

Anstataŭ esti momento por fari liston de deziroj kaj plendi pro malbonaĵoj spertataj, novjaro estu momento por analizi la proprajn celojn. Mi imagas ke neatingo de niaj celoj, precipe tiuj celoj kiuj venas de modo kaj ne de propra sento, estas tio kio pelas nin al serĉi novajn ritojn por la sekvonta jaro. Mi pensas ke se tio inspiras, ĝi estas bone, sed ni scias ke oni povas fordoni parton de propra respondeco, kiam oni imagas ke rito solvos problemojn.

La nova registaro volas ke Bolivio malfermiĝu al la ekstera mondo. Kaj novjaro povas esti preteksto por malfermi nin al novaj aferoj. Venu viziti!

*Carla Reque*







## UK en Graz (Graco)

Dum la Virtuala Kongreso en decembro, UEA anoncis ke la UK de 2026 estos en Graz, Aŭstrujo, de la 1a ĝis la 8a de aŭgusto.

[uk.esperanto.net/2026](http://uk.esperanto.net/2026). Jen pecetoj el la unua bulteno de la UK:

Graz (Graco) estas la dua plej granda urbo de Aŭstrio. Ĝi situas meze de Eŭropo kaj estas loko kun historio, spirito kaj bongusto. Kreskinta tra jarcentoj, Graz estas hodiaŭ moderna scienca urbo kun 8 universitatoj kaj fakaj altlernejoj kaj kun vigla kreema medio. Mediteranea vivosento, bona atingebleco kaj kultura heredaĵo, kiu sentblas en ĉiu angulo – jen kio tiel speciale karakterizas la urbon.

De 2008 Graz estas oficiale la "Ĉefurbo de frandaĵoj de Aŭstrio". Regioneco kaj sezoneco difinas la kuirarton. Ĉu kamparanaj bazaroj kun freŝaj produktoj, hejmeaj gastejoj, elegantaj restoracioj aŭ trufaj manĝaĵoj en aŭtuno – en Graz oni festas la bonguston.

## IJK en Katalunio

TEJO promesas ion nekutiman dum la IJK, kio okazos en Tiana, Katalunio (Hispanio) de la 9a ĝis la 16a de aŭgusto. [ijk2026.tejo.org](http://ijk2026.tejo.org).

Partoprenu en la 82-a IJK por sperti tre raran plenan suneklipson, ĝui regionon riĉan pri kulturo, historio kaj gastronomio, kaj pasigi varman someron ĉe belaj plaĝoj kaj verdaj arbaroj kun esperantistoj de la tuta mondo!

## Brita Kongreso en Lesterio

De la 24a ĝis la 26a de aprilo 2026.

[britakongreso.org](http://britakongreso.org). La retejo diras: Vi estos en amika etoso en spacplena kongresejo, kun refreŝigaĵoj surloke. Ni proponas ankaŭ vesperan programon!

- Tri specialajn prelegojn de nia invitito, Jouko Lindstedt
- Koncerton de Ĵomart kaj Nataŝa
- Okazon ekzerci vian Esperanton kun aliaj parolantoj
- Ekskursojn al la Vizitcentro Reĝo Rikardo tria kaj al Batalkampo Bosworth
- Ekskursojn al la Muzeo Juda Muro kaj al lokaj parkoj



## Beneluksa Kongreso

En 2026 la Beneluksa Kongreso okazos en De Haan (BE) de la 24a ĝis la 28a de septembro. [eventaservo.org/e/bnlk26](http://eventaservo.org/e/bnlk26).

Ni ricevis mesaĝon de Marie de FEL, dirantan ke ili volas kuraĝigi ke britoj venu. Ŝi ankaŭ sendis dezirojn de bona novjaro al LEK.

## Parolo pri Esperanto

Fine de Novembro, mi havis inviton por paroli pri Esperanto en la publika librejo de *Cubitt Town*. Tio okazis tute hazarde. Mi eniris por peti ĉu mi rajtas lasi kelkajn ekzemplerojn de la bulteno tie, kaj la isto evidente ĉiam serĉas ulojn por paroli, por plenumi ĉiusemajnan tagordon.

Mi devas diri ke la evento estis malgranda! Entute (proksimume) dek du uloj spektis, kaj mi dubas pri ĉu iuj ajn el ili lernos Esperanton, sed mi alte taksis la eblon paroli pri nia lingvo.

Mi preparis prelegeton de unu horo, por priparoli rapide la historion de Esperanto, kaj por instrui iometon, nur sufiĉon por diri "mi vidas la katon". Mi serĉos aliajn okazojn por uzi la materialon, kaj eble aliuloj ankaŭ akceptus paroli tiel, se okazo aperus. Nature mi kunhavigus ĉion al iu ajn kiu povus uzi.

*Phil Housley*



## Novaj kursoj en Januaro

Dank' al la laboro de Anthony Bodineau, plia sesio de lecionoj komenciĝos baldaŭ. Tuta listo de kursoj troviĝas ĉe [kursaro.net](http://kursaro.net), do bonvolu sendi tion al ĉiuj viaj amikoj kaj konatoj, okaze ke eble ĉifoje ili elektos partopreni!

La kurs-listo samas tiun de la lasta sesio, anoncita en la bulteno de septembro-oktobro. Estas du niveloj de kursoj por komencantoj, kaj ankaŭ kursoj por progresantoj kaj progresintoj. Plie, oni povas partopreni kurson pri gramatiko, kaj kurso de konversacio eble helpas al tiuj kiuj lernas sed bezonas puŝon al vere uzi la lingvon por komuniki kun aliuloj.

Kursoj komenciĝos en la dua semajno de januaro, kaj daŭros tri monatojn. Pliaj detaloj troviĝas en la retejo.

# Londona Esperanto-Klubo

La Londona Esperanto-Klubo (LEK) estas Esperanto-asocio en Londono (Britujo), kiu zorgas pri la disvastigo de Esperanto en Londono kaj organizas kulturen vivon por la komunumo parolanta Esperanton en Londono kaj ĉirkaŭe.

## Lokoj kaj horaroj

LEK kutime kunvenas vendrede vespere. Kunvenoj je dua vendredo de monato estas surlokaj kaj okazas en nia kunvenejo en Highbury. Kunvenoj komenciĝas je 19.15h. Aliaj surlokaj kunvenoj okazas de tempo al tempo - por scii pli pri tiuj, bv. viziti la paĝon de eventoj ĉe nia retejo. La ceteraj vendredaj kunvenoj okazas kutime en la interreto per la apo Zoom, kun komenc-horo je la 19a. Ĉiuj klubanoj kaj vizitantoj, proksimaj kaj foraj, do havas eblon partopreni en la kluba vivo.

Novaj spektuntoj de la interretaj kunvenoj povas peti ligilon al sekva Zoom-renkontiĝo en tiu ĉi paĝo:  
[londonaesperantoklubo.com/zoom](https://londonaesperantoklubo.com/zoom).

## Nia kunvenejo


La kunvenejo troviĝas ĉe:

Highbury View  
89 Ronalds Road  
London  
N5 1XQ

La ejo estas facile atingebla de la metrostacio Highbury & Islington. Temas pri pli-malpli 10-minuta piedirado. Atentu, ke **por eniri la ejon, oni bezonas enirkodon**. Se vi ne konas ĝin kaj intencas ĉeesti, bv. kontakti nin per la kontakto-paĝo en nia retejo por havi la kodon.

Por ĝisdata informo pri kiel atingi Highbury View, oni povas konsulti la retejon de TFL ĉe [tfl.gov.uk/plan-a-journey](https://tfl.gov.uk/plan-a-journey).

## Kontaktu nin



LEK retejo



Telegramo

## Esperanto?

Esperanto is a "bridge" between different language communities, and a global community in itself - there are Esperanto speakers on all continents, who support and learn from each other. Because it does not belong to any country, it is equal and neutral.

Esperanto was created by taking common features from existing languages, and uniting them with consistent rules that allow a small set of words to provide a lot of expression. It was designed to be easy to learn, but capable of expressing any idea. Compared to other languages, you can be fluent in Esperanto with much less study.

Here is the first article of the *Universal Declaration of Human Rights*, in English and in Esperanto, both from the UN's official translations.

**Article 1** All human beings are born free and equal in dignity and rights. They are endowed with reason and conscience and should act towards one another in a spirit of brotherhood.

**Artikolo 1** Ĉiuj homoj estas denaske liberaj kaj egalaj laŭ digno kaj rajtoj. Ili posedas racion kaj konsciencon, kaj devus kondukti unu al alia en spirito de frateco.

Some quick facts:

- You will always know the type of any Esperanto word from its ending. If you want to use a word as a different type (e.g. turn a noun into an adjective) you can just change the ending.
- A word's core meaning never changes. Once you learn a word, you will always know what it means. Many words are built from other words - and if you need a word that doesn't exist, you can make it.
- If you want to learn about grammar, Esperanto will make it easy. But if you don't want to, you don't need to. Everything in the language means something, nothing is there just for grammatical reasons.

To start learning now, here's a website which will give you a tour of the language very quickly, and then offer some ideas about how to continue. One of the best ways is by joining the courses given by the London Esperanto Club.



Se vi volas kontribui ion al la Bulteno, bonvolu kontakti Phil aŭ la klubon. Troviĝas formularo ĉe la kluba retejo se vi ne scias kontaktdetalojn.